

實業志

夏口縣志卷十

工廠 公司 附賽會得獎

吾國人近日競以實業為言矣今大總統徐公初就職其政見書亦嘗諄諄於此雖然此事豈易言哉實業各有專門其事雖若盡人可能而實有學問存乎其間必得精於物理之人以講求於先而後能成之於後人但見其獲厚利馳大名之可羨而不知其一蹶不振者亦實繁有徒非可倖中也吾國人於此何如哉以言學問瞠乎後矣然吾邑近十餘年來實業之發展迥非他邑所及則又未始非全國之嚆矢也

造紙廠 該廠設漢口下牛湖城東成於清宣統辛亥年當時由度支部撥款建造故顏曰度支部造紙廠今易度支二字為財政出產逐漸改良行銷日暢

志

實業志

貧民大工廠 該廠設漢口靜室巷隄外本前清勸工院也勸工院成於光緒二十八年時南皮張文襄公為楚督扎飭建築招徒學習各種手工以開風氣後因經費支絀停辦入民國乃改此廠由禁烟罰款項下撥款開辦迄今漸臻發達

湖北官錢局提鍊舊錢廠 該廠設羅家墩下專購前清制錢煨成銅塊以為推廣銅元之用民國五年建置

甄瓦廠 同德廠設易家墩下光緒三十三年粵商創辦近停

廣茂廠 同上

美奐廠 同上

廣利廠 設羅家墩上光緒二十八年粵商集貲創辦現銷售頗旺

華泰廠 設沙嘴灣下民國二年江夏人創辦近停

燭皂廠 漢昌廠設武聖廟上民國五年開辦次年成立會在部

註冊案燭皂廠甚多以未註冊不載

麵粉廠 和豐廠設羅家墩上光緒三十一年皖商創辦

裕隆廠光緒三十三年創辦餘同上

榨油廠 設橋口隄外邑人劉歆生創辦辛亥改革後停歇

雄黃廠 設宗關後光緒丁未年浙商創辦今停

以上工廠

既濟水電公司 總公司設英租界一碼頭太平路現遷居

電氣燈廠 設漢鎮河街大王廟河沿廠基計五百八十餘方

前清光緒丙午年經始戊申年落成中有機器辦公堆棧等處

自來水廠 設橋口外宗關上首廠基計一萬五千五百餘方

亦丙午年經始因工程較大至己酉年始告成其中有渾水池

志

實業志

二

濾水池清水池等名目餘與燈廠略同

水塔 設張美之巷後城馬路傍佔基計三百方戊申年經始

己酉年落成塔作八卦式計高十四丈餘塔內鐵水柱一用機

器吸水至塔頂再由塔頂分布四旁以供各居民之用洵鉅製

也塔外有警鐘一用以報本鎮火警俾各處水龍聞聲馳救意

美法良無逾於此該鐘計重二千二百餘磅

按該二廠之設爲用至廣且便而自來水之便民救患尤爲民

生之必不可少吾國近時創辦電燈之處頗亦不乏惟自來水

殊不多觀上海雖亦有此其規模迥不漢口若也電燈僅利富

戶自來水兼惠貧民電燈猶有時爲害自來水則兼能遠害使

在在能仿而行之則如水道不通之處又安有不潔生疾之慮

哉然當時首其事者固亦大費經營矣摘錄原案稟批於後以

見其事之成之匪易也

附原稟節略並批示

光緒三十二年丙午六月商人宋煒臣王子坊朱佩珍葉璋萬昭度蔣鴻林朱士彬丁維藩葉世濂蔡紹榮胡啟十一人呈稟督轅略謂漢口為九省通衢商務繁盛近年蘆漢鐵路交通粵漢川漢等路接踵告成將來必為中國第一重鎮職等創辦電氣燈自來水統籌全局尤應預計將來規模狹隘之慮理合具稟懇地建廠以後逐漸推廣庶不致有規模狹隘之慮理合具稟懇乞賞准批示立案並准予專利云云奉督憲張宮保文襄公批查自來水電氣燈兩項與衛生關係緊要惟大和利所在迭經各國洋商懇請攬辦本部堂以事關中國主權權衡行推謝未允其有華商出名而附外股希冀朦朧允者亦經本部堂查明一概駁斥且查水電兩事必須一商兼辦利益方多茲據該職商等稟創辦漢口水電既濟公司在上海籌資一百萬元在漢口招股五十萬元另由漢口商民附股一百五十萬元共三百萬元具稟呈核前來查該商等資本素稱殷實辦事已著成效所稱集股情形當不至別滋流弊應即准其承辦惟此舉前經本部堂諭飭該商等由官提借應即籌撥官款三十萬元作為一節上年九月准商部咨凡有關振興商業挽回利權之舉利辦公司准予專利者須指定地方並咨部核定情形分別辦理該公司所請除租界外不得另設電氣燈煤油氣燈自來水公

志

實業志

三

司一節其專辦地方應指漢口而言漢陽武昌均不能包括在內其專利年限應俟商部章程施行再行寬訂年限准予專利所有該公司一切事宜暨交涉之事務極多應即准如所請由本部堂委派大員一員總司該公司彈壓保護稽查三項事務其用人理財財諸事官不干涉以清權限月結年總出入欸目應詳報本部堂以周知商務盈絀地方衰旺云云嗣以事業艱巨臂助需多當加入徐之棨周魯張廣鵬趙鳳昌李堅黃顯章朱文學七人共同發起旋因工程浩大預算不敷又議添招新股二百萬元然實僅招四十餘萬元總共股本三百四十萬元武昌起義漢鎮被焚該公司大受損失事定後重籌款修復營業愈形發達此該公司之大略情形也又按辛亥九月間南北兩軍激戰北軍礮臺設竹圪寺後南軍礮臺設大別山上武聖廟以上未燬之民居猶有人看守其間而不敢臨河汲水臨河汲水者每為槍彈所斃賴該公司水管猶有存者餘人始不至為涸轍之鮒亦不至為赴燈之蛾此不能不歸功於該公司者也

揚子機器有限公司 該公司設漢口下淪河北岸成於光緒丙

午丁未間出產以橋料及鐵船為大宗其初股本三十萬元今則不啻十倍矣

燧華火柴有限公司 該公司設橋口外民國六年商人李紫雲

等集贊創辦

燮昌火柴公司 設日租界清光緒丙申年宋煒臣集股創辦

以上公司

甚矣哉實業之難言也吾夏口為商務繁盛之區而所謂實業不過如此此外大半為外人所置或託庇於外人之宇下例不得書亦有實係吾國人所經營而資本甚微興廢無常則又書之不勝其書此以見吾國人營業之力之薄弱也然如茶寮酒樓梨園等動輒成立成立後又皆獲厚利近且有所謂新市場者高樓數層雜陳百戲遊人如織則何如移此資本以營實業之為愈哉

附清宣統二年南洋賽會暨民國四年巴拿馬賽會漢口商民

得獎家數暨物品表 不在漢口者不錄

實業志

志

四

美粹學社

繡字

彩霞公司

繡畫

肇興公司

新式 綢緞

興商公司

茶磚

以上係得一等赤金牌獎

周鼎孚

軋花 機

熙泰昌

紅茶

段義泰

金絲 絨

太久保

罐頭

雅森永

漆器

厚姓祥

茶葉

利華公司

製皮

向洪盛

仿古 銅器

義順成

漳絨

以上係得二等鑲金銀牌獎

右二項皆南洋賽會得獎者其三等以下不錄 凡只經武漢勸業會

獎者不錄

老采章

花緞

信記

茶

姚春和

各種銅器

興商公司

茶

惠昌祥

茶

祥興永

茶

同太和

茶

興記

茶

何建陽

茶

長盛川

茶

寶聚昌

茶

生記

茶

寶聚隆

茶

信隆遠

茶

和記

茶

志成昌

茶

茂盛隆

茶

蘭斯香

茶

寶聚公司

茶

同義興

茶

以上係得一等金牌獎

昌記

茶

鄭炳興

各種銅器

熙泰昌

茶

姚太和

各種銅器

志

實業志

五

利恒

茶

義太和

各種銅器

永昌祥

茶

同義廠

豬鬃

以上係得二等銀牌獎

右二項係巴拿馬賽會得獎者三等以下不錄凡只經農商部獎者

甚夥不錄